

## Lethabo la nnete le hwetšwa ka go latela Jesu Kriste

Thero mo Lefitiko 18:1-5, 22

*Palo ya Beibele: Lefitiko 18:1-5,22 & 20:8,13; Baroma 1:25-27 & 5:1-11*

Thero ye ke karolo ya dihlogo tšeo di bolelago ka ga lenyalo, thobalano le tlhalo. Beibele e bolela ka go loka ka ga thobalano ka gare ga lenyalo. Thobalano yengwe le yengwe kantle ga lenyalo e a ganetšwa mo Beibeleng. Lehono re tlile go theetša seo Modimo a se bolelago mo Beibeleng ka ga thobalano gare ga batho ba lebopo letee (mohlala monna le monna) – homosexuality.

### Tabataba: **Lethabo la nnete le hwetšwa ka go latela Jesu Kriste**

Homosexuality e ra gore thobalano magareng ga batho ba lebopo letee. Ana se se ka diragala bjang, boramahlale ga ba na nnete e tletšego ka ga yona. Go bonagala e ke boramahlale ba humane gore ge motho a le homosexual, o na le bothata mo hlaloganyong goba mo dithong tša gagwe. Empa ga go selo seo se lego bonolo ka seo. Le ga go le bjalo, go na le ditsela tše thata tšeo di ka se kgonego go ka netefatšwa ke dihlare empa le ga go le bjalo yona e a diragala. Go swana le dikgatelelo tše dingwe e ka ba go opa ke hlogo, goba tše dingwe.

Ke gobane batho be itemogela lebaka la gore ba kganyoge batho ba ditho tše tee le bona, e ka ba ba kgethile go ba bjalo goba ga ba kgetha. Ke potšišo e boima go ka botšiša gore motho o belegwa a le bjalo goba o ikgethela go ba bjalo. Boramahlale ga ba tšebe seo.

History e re ruta gore homosexuality e be e le bothata bjo bogolo go tloga kgale.

Karolo yeo re e badilego e re laetša ga bonolo go tšwa mo Beibeleng gore matšatšing ao e be e diragala bjalo ka mehleng ya lehono. Le ga go le bjalo mo ditšong tša rena go na le diphapang ga go lebeletšwe bothata bjo bja homosexuality. Re ithuta gore Beibele e bolela ka homosexuality, ka kganetšo. Bjale ga re lebelele fela ditaello tšeo Lefitiko le Doiteronomio, le mangwalo a moapostola Paulo, empa re lebelele dikarolo tša Beibele tšeo di bolelago ka ga ditaragalo tše. Mohlala: mo Genesi 19 re bala ka ga homosexuality yeo e ilego ya aparela motse wa Sodoma. Gomme mo go Baahlodi 19 re bala ka ga banna ba Modimo bao ba direlego ditsela tša motse wa Gibeia gore di sebe tše di bolokegilego bošego. Bjale ka bakati ba be ba etla mo go bantle ba sa lebelele gore motho ke le bopo lefe. Beibele e bolela se ga bonolo ka go ganetša taba ye.

Go na le ditšo tše dingwe, ka lehlakoreng le lengwe, mo go sa nyakege go ge motho a bolele ka ga homosexuality! Re ka nagana gagolo ka ga batho ba ba godilego bao ba sa tlwaelago go bolela ka taba tše. Empa matšatšing a lehono ditšo di bolela taba ye e fapanego le ditšo tša kgale. Dilo ka moka di lebelega e ke di a amogelwa ka moka. Empa e mongwe a ka bona gore go molaleng gore e a bonagatšwa mo televišioneng, internet le mo dipukung tša mabenkele. Goba boima mo go batswadi go ka hlokomela bana ba bona nako le nako gore ba ba tloše mo dilong tše bjalo. Ga re beng le nnete: dinako tša rena di ka bapetšwa gabotse le nako tša Sodoma le Gomora.

Ana wena bjale ka mokriste o ka itshwara bjang mo gare ga dilo tše bjalo? Ana re ka na ra itira eke gare bone selo e bile le gore dilo tše ga di diragale? Aowa, ga go bonolo. Kudukudu gobane go a kgonagala gore ka mogare ga maloko a kereke go na le motho yo a nago le maikutlo a homosexuality. Batho bao ba sa kago ba kgetha go ba bjalo, empa go diragetše bjalo. Batho bao ba swerego boima ba lwantšha maikutlo a bona, ba na le dinako tše boima. Go tšwa mo go seo re se badilego mo Beibeleng re ithuta gore Modimo o ganetša thobalano magareng ga batho ba lebopo letee. Re bala ditaello tše bjalo ka mohlala mo Lefitiko 18 le 20. Di ngwetšwe fase go ya ka molao wa bošupa. 'o se ke wa otswa'. Molao ke kakaretšo wa melao ka moka yeo e bolelago ka ga thobalano. Mo dikgaolong tše tša Lefitiko re humana ditaello tše fapanego le dikganetšo ka ga thobalano. Go ka bolela tše nyane:

- re humana kganetšo ya thobalano magareng ga batho ba lelapa letee;
- re humana kganetšo ya thobalano kantle ga lenyalo;

- re humana kganetšo ya thobalano mo mabakeng a mangwe;
- re humana kganetšo ya thobalano ya batho ba lebopo letee;
- gomme re humana kganetšo ya thobalano le diphoofolo.

Ditaelo tše ka moka Modimo o di neetša batho ba gagwe e le gore ba phele gabotse, lethabo la bona, go ka ba širiletša mo dikotsing. Bjalo ka ge Modimo a boletše mo mathomong a Lefitiko 18. Ke nna Morena Modimo wa gago. O swanetše go latela ditaelo le melao ya ka. Yo a dira go bjalo, o tllile go phela. Melao ye ke ya gago ya boiketlo. E lebeletše go itekanela ga gago, e ka ba mo mmeleng, le mo moyeng. E le phapang ya bophelo bja Egepita mo le tšwago gona, goba e le tsela ya go phela lefaseng la Kanana, mo le ya go gona. Lefase leo le tletšego ka dibe, le ka bootswa, Modimo o le neetše melao ye ya go itikanela.

Go ka boeletša: Mohlodi o neetše mpho ya thobalano go ka diragala fela magareng ga lenyalo la monna le mosadi. Mo kgolaganong ya lenyalo la monna le mosadi ba ka iketla ka thobalano. Bjale ge re bapetša se le mokgwa wa bophelo bja lehono, go bonagala eke taelo e kgolo ya Modimo mo lefaseng la rena lehono ke gore: o swanetše o iketla! (you should have fun!) o swanetše go iketla ka bophelo, ka mekgwa e mentši. Gomme go beilwe lebaka la gore gago kgonagale gore motho a thabe kantle le go tsena thobalanong. Mang le mang bjale ka ge e le monagano wa lehono o o rutilwego gore rena mang le mang o na le tokelo ya go ka tsena thobalanong. Mang le mang, e ka ba heterosexual, homosexual, bisexual, pedosexual, e ka ba mang ka pa mang...

Mo lebakeng le re swanetše go lemoga gore go bohlokwa gore molaetša wa Beibele o fapane le seo. E sego gore Beibele e ganetša motho go thaba. Seo ke seo diabololo a ratago gore re se dumele, gore maloko a kereke ga a swanela go ka ithabiša. Aowa, seo ga se nnete. Empa Beibele e lebeletše ntlha ye e fapanego. Beibele e bolela gabotse ka lehlakoreng le lengwe ka ga thobalano. Ke mpho e botse ye e tšwago go Modimo. Empa ka lebaka le go wela sebeng ga motho, mpho ye le yona e ile ya senyega. Gomme ka lebaka la melao ya gagwe e botse Modimo bjale o tsosa gape mpho ye, ka lebaka la gore o phele bjalo ka ge Lefitiko le bolela.

Empa go na le se sengwe seo re ka se tlatšago. Go ya ka Lentšu la Modimo lethabo la nnete le ka se hwetše mo bophelong bjo. Bophelo bjo ke tokišo ya lethabo leo le sa felego, re tllile go le lemoga mo lefaseng le legodimong le lefsa. Mo lefaseng le re swanetše go lwa ntwala ya, semoya. Re swanetše go latela Kriste le mo ditlhokofatšong tša gagwe. Jesu ga a tlela mo lefaseng go thaba fela, o tllile sa mathomo go ba mohlanka. Lebaka le legolo la bophelo bja gagwe e be e se lethabo, empa go ka phethagatša thato ya Ntate wa gagwe. Ka tsela yona ye Bakriste ba phela go phethagatša thato ya Modimo wa magodimong, ba lebeletše lethabo leo le sa felego.

Se ka nnete ke phapang ge fela motho a nyaka go thaba ge a tsena mo thobalanong. Gobane bjalo thobalano e fetoga go ba modingwana. Gomme bjale barategi, ke swanetše go le kgalemela ka taba ye. Go kotsi gore lena le ka akaretšwa ka go nagana mo maphelong a lena le dikaneditšwe ke se. Mo nakong ya rena nako le nako re rutwa ke ditelebišione, dikuranta e ka ba le dipuku tše dingwe, gomme re rutwa gape ke mmušo gore mang le mang o na le tokelo ya go ka tsena mo thobalanong. Go akaretšwa le di homosexuals. Ga go na kgethollo, ba bolela bjalo. Mang le mang, le di homosexuals, le bao ba sa itekanelago, ba na le tokelo ya go tsena thobalanong.

Empa theetša, Lentšu la Modimo le tliša phapang e kgolo. Ga se nnete gore mang le mang o na tokela ya go tsena mo thobalanong. Modimo o dumeletše fela thobalano ka gare ga lenyalo la monna le mosadi. Gomme le mo lenyalong ga se gore monna le mosadi ba ka tsena thobalanong nako efe ka pa efe. Beibele ga e bolele ka ga ditokelo tša motho. Go ka ba bjalo ka mo gare ga thobalano la lenyalo, e ka ba nakonyana goba mohlomongwe e kgaogane ka tsela tše dingwe. Gobane re phela mo lefaseng leo le sa lokago. Gobane le mo lenyalong o ka se nyake thobalano. E ka ba mosadi goba monna. Ye ga se tsela yeo mokriste a swanetšego go phela ka yona. Ga se a loka, go bohlokwa, ge go kgonagala mo go batho ba babedi.

Go boeletša, ga se mang le mang yo a humanago sebaka go tšwa go Modimo go ka ithabiša ka thobalano. Bjalo ka ge e se mang le mang yo a humanago go tšwa go Modimo mahumo a lefase, go ka kgona go reka se sengwe le se sengwe. Goba bjalo ka ge e se motho yo mongwe le yo mongwe yo a humanago ditshegofatšo tša go itekanela bophelo bja gagwe ka moka. Nka bolela ditšhegofatšo tše dingwe tše di tšwago go Modimo a di neela motho, empa a se mang le mang yo a humanago tšhegofatšo e tee. Mang le mang o humana tšhegofatšo go tšwa go Modimo, gore a tle a tšebe go tšhaba Modimo le Mohlodi wa gagwe. Gore motho a sokologele go Yena, gomme ka tsela yeo a humane lethabo le sa felego ka tumelo go Yena. Gomme o se ke wa lebala, mo bophelong bjo re sa tlile go sokola, re swanetše go rwala sefapano, re latele Jesu. Mo lefaseng le re dira fela mathomo a lethabo le le sa felego. Gomme phethagatšo ye e tletšego e tla latela ka morago.

Go ka feleletša nka botšiša potšišo ye: ana Beibele e ganetša homosexuality? Karabo ya rena e bonolo: ee, Modimo o ganetša homosexuality, empa re swanetše go tlaleletša Modimo o na le kgaugelo go batho bao ba imelwago ke ditakatšo tša homosexuality. Bao ba dumelago gore di ba bofile. Gomme Modimo o ba hlohleletša gore ba dule ba tiile tumelong go yena! Gomme Modimo o nyaka re ba rapelele. Gore ba dule ba tiile, le mo dinakong tša diteko. Bjalo ka ge re rapelelana, gore mang le mang a dule a tiile mo tumelong, a sa dumelele diteko gore di buse bophelo bja gagwe. E ka ba re hetero- goba homosexual. Seo ke sephiri, molaetša o botse wa ditaba tše botse: Modimo o rata badiradibe, gomme o nyaka gore ba sokologe, e ka ba hetero- goba homosexual, gomme le mo bophelong bja nnete le lethabo go yena. Modimo o hloile sebe. Se ke ditaba tše botse tša Lentšu la Modimo, gomme di akaretša mang le mang eo a kwago, e ka ba hetero- goba homosexual, le ge e ka ba ditsotsi, babolai, goba mang le mang. Sokologa mo sebeng seo, gomme o humane lethabo la nnete go Kriste.

Amene.